

該卷末源於滕縣閔樓，

族譜由世表翰林白祥麟主持編

修。

序

譜以譜世族之所從出也或世事變遷文獻無徵後  
人流落莫辨何以論世代溯源流考稽大宗小宗之  
嫡派乎如魯有閔氏其氏族亦出於姬故祖閔公春  
秋代有傳人如子騫者為聖君察相之所崇贊縉紳  
大儒之所表揚非一日矣樵修家乘之暇遠公始自  
濟州來檢藏書於燕篆之餘欲為重訂因質之樵觀  
其譜墨之滅與卷帙差縫之飾知非近代物又見字



既理合稟明宗主知照等情據此查該生等  
差  
徭既蒙

貴縣恩賜蠲除不惟該生等世世感德即敝院亦深  
銘叨相應移請

台察將准免緣由備文示覆備案永誌

鴻慈栽培為此懇祈

貴縣請煩賜覆施行等因到縣准此為此查敝縣現

在並無應辦差徭無從派給嗣後如有標差徭即

將貴族奉祀生閔克相等應攤差徭照例優免茲准  
前因擬合備文移覆為此合移  
貴院請煩查照施行須至移者

嘉慶二十一年五月吉日

世襲翰林院五經博士閔廣源率族奉祀生閔克相

謹誌



序

譜以譜世族之所從出也或世事變遷文獻無徵後  
人流落莫辨何以論世代溯源流考稽大宗小宗之  
嫡派乎如魯有閔氏其氏族亦出於姬故祖閔公春  
秋代有傳人如子騫者為聖君察相之所崇贊縉紳  
大儒之所表揚非一日矣樵修家乘之暇遠公始自  
濟州來檢藏書於燕篆之餘欲為重訂因質之樵觀  
其楮墨之滅與卷帙差縫之飾知非近代物又見字



有缺避者皆為唐諱復於其編末有考訂廼知同吾  
家乘皆唐四庫中文字係四部閔氏譜一卷即此蓋  
嘉祐四年編修官呂夏卿撰唐書得之晉尚書閔鴻  
上氏族述之者甚詳然則神器不可埋藏久必露穎  
惟此雖是故家物實是吾閔祖之裔源深而流遠也

時

紹興八年過江鄭氏諸族史官夾漈樵薰沐誌



序

余聞天下有貴人無貴族有賢人無賢族有士者之  
子孫不能修身砥行而屈為童隸而公卿將相常發  
於畎畝聖賢之世不能傳其遺業而夷乎恒人而縉  
紳大夫多興於賤宗蓋言豪傑之士當知有以自命  
也豈可因此而廢宗法乎自井田廢而天下無善俗  
宗法廢而天下無世家先王於是錫土命氏懼族屬  
之逃而易疎也支派之淆而難辨也情意之散而莫



收也則宗法立為大宗統族小宗統枝於以宣其教  
而萃其離愛敬之心油然而生迨後尊祖之意微人  
私其身不復知有所謂宗而重之有志復古者乃急  
於修譜余過闕里適閔氏宗子壽保執宗傳而向余  
問序余惟閔子祀典論贊注作異跡世系人文冕旒  
歌章學士大夫皆能言之余得論斷其軼事焉閔氏  
自公族自閔馬父為魯大夫始生損家語鄭玄皆曰  
魯人按一統志閔子山東兗州府曲阜人閔子墓在



歷城東五里濮陽李燾之守濟南立廟蘇轍撰碑則  
門子斷為魯人而汶上書院有自來已今宿州北七  
十里有閔子鄉鄉有騫山則漢金城騫包是也蕭縣  
東南八十里有閔子墓則漢閔仲叔是也范縣南十  
四里有閔子墓則五代閔子塞是也大抵人以聖賢  
發跡之地在彼彼重在此此重三者亦以閔子得名  
此窮源探本之義理有固然無足怪者又閔子從祀  
孔子廟至唐開元二十七年始贈費侯宗祥符二年



又進封瑯琊公後改封費公篤聖備道有功奕世崇祀十哲首我

肅皇帝九年又改稱先賢閔子其寵著矣獨其大宗  
遠不可考復閱四庫家乘始知魯閔氏發祥汶泗既  
而宋康王發濟州魯大姪隨駕南渡其宗遂流寓於  
江南嗣後復業蕭縣而返於歙者自閔顯通始復業  
曲阜而寄籍濟寧者自閔三萊與其子閔壽保始其  
間有百世不遷之宗有五世則遷之宗續而斷斷而

是時者代不乏人按厥所由斷自歙而返於濟者近

是閔氏壽保已奉祀於



後續者代不乏人揆厥所由斷自歛而返於濟者近  
是今閔氏壽保已奉祀於廟又統宗於鄉凡以尊尊  
也親親也夫尊尊親親周之備矣又况其子若孫非  
此相由是而父子相繼顯名於朝以垂光禋祀行將  
歷四世而為五矣孰謂有貴人無貴族有賢人無賢  
族也哉故不辭其請而為之序

萬曆乙酉暮春下澣前禮部尚書兼翰林院學士會  
典副總裁



序

古今以家處父母兄弟之變而能不失其常卒以全  
天性之愛者前有舜後有閔子然舜以孝聞具於  
尚書評在本記而閔子終身貧賤事不盡傳惟魯論  
有孝哉章故載之韓詩外傳初為繼母所苦後以一  
言感悟遂成慈母今頌其言藹然惻怛合乎道當乎  
情足使千百世之人心聞而興起仰慕之不衰以今  
所聞齊州之境有歷山有舜井先聖之遺蹟存焉而



州京五豆為閔子墓處後之人立廟祀之為書院以  
祭之若閔孝里講孝堂閔閔齋蘆花館建置有加  
與廂山之祀舜者衡宇相望嗚呼何其前後之同揆  
也山石閔子之從祀 廟是在漢元和二年其贈費  
信立晉開元二十七年進封瑯琊公在宋祥符二年  
改封賢公在宋咸淳三年齊州立廟在宋熙寧七年  
建元向定書院設山長其事加詳迨明嘉靖九年特  
建廟子其禮尤重更可見千百世而下闡揚前



哲人有同心矣至其子並向居汶泗間並為魯人宋  
建炎初徙江南後有閔顯通由歙復業蕭縣有閔三  
才及哥保父子復業曲阜遷濟寧今濟寧學生奉祀  
閔輝真六十四世孫也以所刻蘇轍廟記呂夏卿家  
卷之四後鄭樵譜序虞集記事諸書問序於余余思  
先賢之德光古今炳天壤無容更綴一詞惟是齊州  
祀典載在禮官一聖一賢千秋並重深有當乎以孝  
教民之義也故合舉而為之說况舜之苗裔後為陳



曰姓爲無專譜可稽而閔氏宗支歷歷可考自晉閔  
鴻而族氏譜上之其族獨貴有謂魯之三卿不若四  
科布衣之賢者固其後之孫子克守遺緒使源委秩  
然故能紹明祖德保世勿替如此此尤孝道之大焉  
者也昔孔子之論孝也先之以大雅曰無念爾祖率  
修厥德終有望於閔氏之後人矣

屏燕而春孟夏之吉

光祿大夫太子太傅戶部尚書保和殿大學士高陽



題辭

身稽春秋魯為聖域一老慈遺應運降神七十  
這人間生表瑞所從來矣迄乎

國朝作人之化振聳百靈尊聖之誠超越萬禩是  
以英才髦俊禮樂文章於魯尤稱盛云如先大  
賢閔夫子損服膺大道德行冠於聖門羽翼斯  
文芳徽垂諸奕世去矣清風留汶水孝哉冷月  
伴蘆花卜葬高原哲人之思弗替瞻言闕里君



子之澤孔長按國乘而公侯議封知本固者枝  
茂考家牒則瑯琊衍派覺源浚者流長不佞幼  
讀論語諸書遂知魂魄猶應樂此壯遊聖賢故  
里因識妥侑直垂斯今茲以奉

命衛文承之是土未謁先聖之林廟即造夫子之墓  
祠曠然遙思怡然遠忘者久之矣既而過濟水  
之濱晤其郡學生閔煒為家煌補守祠實正派  
之苗裔博士弟子切切請其奏

題宗鏡諸生沾沾問以世廡出此一編受教



題食餼諸生沾沾問以世廕出此一編爰徵愚言  
京行高山開卷動昧昧之思望古遙集披圖觀  
閭閻之容蓋此編於元之虞學士補自明之陳  
中丞肇啟畫圖雖彙纂或可遠考式遵祀典在  
明廷原有特恩設帟祠者三家何閩氏猶懷向隅之  
三稱大賢者四氏於一哲未蒙一視之仁幸德  
教曾廣於

先帝乃孝治無加乎




當今持此以求發人倫之耳目行矣有待暢希聖之  
風規必期點筆烜麟庶懋擁雲繡虎二公載闡  
芳踪真有當於冠洋子閔氏克揚前烈應無藉  
乎蘇長公不佞既有守祠之品題敢為傳書而  
設筆聊寫所知共切嚮往云爾時

康熙甲辰春王正月吉旦

山東按察使司提督通省學政淮陰後學劉芳

行一拜題



閔子廟記 宋瀕濱蘇轍撰東坡蘇軾書

廬城之東五里有丘焉曰閔子之墓墳而不廟秩祀



齊州閔子廟記 宋瀨濱蘇轍撰東坡蘇軾書

歷城之東五里有丘焉曰閔子之墓墳而不廟秩祀不至邦人不寧守土之吏有將舉焉而不克者熙寧七年天章閣待制右諫議大夫濮陽李公來守濟南越明年政修事治邦之耆老相與來告曰此邦之舊有如閔子而不廟食豈不大闕公唯不知苟知之其有不謗公曰噫信其不可以緩於是鳩工為祠堂且使春秋修其常事堂成具三獻焉籩豆有列儋相有



位百年之廢一日之舉學士大夫觀禮祠下咨嗟涕  
泣有言者曰惟夫子生於亂世周流齊魯宋衛之間  
無所不仕其弟子之高第亦咸仕於諸國宰我仕齊  
子貢丹有子游仕魯季路仕衛子夏仕魏弟子之仕  
者亦衆矣然其稱德行者四人獨仲弓嘗為季氏宰  
其上三人皆未嘗仕季氏嘗欲以閔子為費宰閔子  
辭曰如有復我者則吾必在汶上矣且以夫子之賢  
猶不以仕為污也而三子之不仕獨何歟言未卒有



應者曰子獨不見夫適東海者乎望之茫洋不知其  
邊即之汗漫不測其深其舟如蔽天之山其帆如浮  
空之雲然後履風濤而不憤觸蛟蜃而不驚若夫以  
江河之舟楫而跨東海之難則亦十里而返百里而  
溯不足以經萬里之害矣方周之衰禮樂崩弛天下  
大壞而有欲救之譬如涉海有甚焉者今夫夫子之  
不顧而往則其舟楫足恃也諸子之汲汲而志返蓋  
亦有覆舟而將試焉則亦隨其力之所及而已矣若



夫三子願為夫子而未能下顧諸子而以為不足為  
也是以止而有待夫子嘗曰世之學柳下惠者未有  
若魯獨居之男子吾於三子亦云衆曰然退而書之  
遂刻於石



修定濟南閔子祠碑

明歷城縣令連甫張翼明撰

時言精忠者多於國步惟艱之日豈太平之明良  
合德者獨遜芳懿於惟艱時哉良以為於可為之時  
易為於不可為之時難故幸則為共和不幸則為苟  
息孰報耳余謂以此言忠亦當以此言孝也何者人  
生一脉團聚綿結而不可解者惟此父子兄弟故合  
則心平不可解而一解則有萬難合者試觀聖神如  
舜當父子兄弟之解幾許肩折幾許感通纔得底豫



氣象區區盲瞽不過領之耳未必化嫉妬而為神明  
之狀也噫嘻豈不難哉人子當鶴鳴式蘇花萼交輝  
則孝思易於承懽粹而禱畔叢神雁行伏鬼心腹肘  
腋皆為忌府至無地可以容身惟是金珌之賜玉節  
之走以身為藪而以國家為沼者然後知父子兄弟  
之解者難合而能得其合者必心事可以慊衮影精  
忱可以質鬼神若聖門之閔子先後與大舜相輝映  
而三齊首郡墳壟在焉百世祀之宜也夫閔子能以



大義辭季氏之賁而不能避蘆花之寒能以片言寢  
長府之工而不能止絮溝之洗豈其昏於燠臂之能  
巧於激父之怒良以我之孝若也原不以若之忌不  
忌為增減母以弟惡我我以母益友弟絮即單寒決  
不置身以寒死而母氏有轉醒之日則父子兄弟團  
聚猶如初耳此一殺苦心崇與金昆玉友感孚有素  
不待父欲出母時一單三寒之說方令其父立悟也  
嗚呼此與舜盡事親之道者有二哉齊人知祀舜又



高得不祀閔也使閔子生陶唐世界事君當如舜  
矣可云不朽而惜春秋之不辰也雖然書云孝乎惟  
孝友于兄弟則友於兄弟方成大孝也故夫子曰人  
不聞於其父母昆弟之言夫夫子以孝稱閔子而父  
母之下必言昆弟則知孝友原不得析為二解後世  
激靈燻心民彝撓亂于田歌而負段握髮出而劉武  
引一也弟且不能免矣寃馬廐矢而赤死折孺子牛  
而荼膠則吳母弟又不能免矣况夫竟陵休若之鏟



屠如玄武門六月初四日事者其為閔子之罪人可  
勝道哉故因閔子祠成而為之記



重修閔子墓並建祠碑記 明史劉敕撰

閔子名損字子騫魯人也於處變見其孝於辭費見其節而孝尤著故數聖門高第者指不一二屈昔開小清河於華不注山下得石棺啟之詩云孝哉閔子嗚死後墓黃泉幸遇黃太守起我在高原是時董濬河之役者黃也黃因起而墓之高原去縣三里許是為今墓其石棺尚在華不注之麓熙寧七年濟南太守乎公始為廟以祀焉蘇頌濱先生為文記之羣青



許而諱孝青衿士亦多卒業於斯故又有閔子書院  
云我朝於附近地編為閔孝里春秋俎豆之賢有司  
亦好為修葺今上之乙卯山東大祲人相食其殿宇  
盡壞於宵人之手余每過而弔之輒心惻曰浮屠氏  
一夷教耳猶珠宮梵宇相賁於中國吾實為斯文之  
後而使其墓蕩然曾夷教之不如乎昔陽明先生云  
國有祠而不修有司之責今公帑空匱安敢有司是  
望先是邑侯張公翼明建祠於城中徐將及墓遂擢



北部去余一日語門人汾陽令張諱九賢者九賢曰  
吾天子倘首事願効一臂力於是余告大中丞李公  
長庚公許之且移書直指畢公懋康共為金粟之助  
於藩臬郡縣及諸貴人暨里閭之好義者皆隨多寡  
輸之如余乃司經營而縣幕俞公守仁則董其事為  
殿一肖像於茲而祠之余為一聯云殿宇重新千載  
清風隨汝水泉臺如故一兵冷月伴蘆花殿之後為  
堂三楹題其額曰講孝堂余為一聯云入廟觀閭閻



覺錫類無窮低頭動昧昧之思便知獲親有  
此中碩德李應聘者三人朔望日講余所註  
一爲俾願者聽之所費悉自余出廂二一曰閻  
一曰蘆花館青衿有志者俾其卒業於中儀門  
一曰齊州閻子廟壁上置舊碑於其上碑云費公  
一曰閻子辭費去汶未識胡以費公贈緣係舊物  
故存之滄垣之砌者三百尺其墓復增而高焉塗至  
於幾以結數月而廟貌煥然矣乃復代耕其贍田十



八畝為兩蒼頭卒歲之計以守是宇猶有頭門重塼  
以及官廳號舍之類雖為未完而後之好義者亦可  
次第舉矣又嘗考志寓內有閔墓者三一在徐之蕭  
縣一在范縣大都古人琴書諸物皆封而為墓據石  
棺之詩則此墓為真此墓存匪第崇賢亦可以風孝  
也嗚乎是役也所藉於中丞公諸顯人者什九所藉  
於里閭諸君子者什一余經營半載始告竣信大廈  
之成非一木之支哉



重修閔子墓舍碑記  
明史劉敕撰

魯一人聚徒三千振鐸泗上門弟最著者則閔夫子  
其人惟孝能格親故德行與顏夫子同科至於汶上  
之役辭不往矯矯風裁又孝之所移也千百<sup>世</sup>抱同心  
之契者竊忻慕願執鞭焉墓在歷東三里許有司春  
秋修祀享自萬曆乙卯歲大祲人相食殿宇為草莽  
塲墳塚為狐狸窟遺像挺然於風雨之中無過而吊  
之者圓冠方屨夫非聖人之徒與胡黃冠緇衣之不



也。兩大人墓去此僅三舍。余廬居時朝所經於斯  
見而涕淚者久之。乃嘆曰：孝哉！子騫何生衣蘆花之  
服死卧枳棘之苗也。與門人九賢張北部謀修李中  
丞長庚墓。直指懋康吳郡伯纘敬各出金錢佐之。俞  
縣慕守仁董其事。不數月而廟貌煥然焉。十餘載於  
茲。風伯飄瓦雨師摧垣樵子傷其薪木。余心惻惻而  
力不逮。一日見邑大夫呂公進一語。公慨然曰：吾宰  
廩學宮。郵舍道路橋梁靡不修葺。况吾實為之。徒而



不能為閔夫子新一字令也謂何於是鳩工庀材不  
匝月而告竣且為之大其制焉說者謂先賢有靈足  
以動邑令而不然也蓋世有聖賢人後與聖賢親與  
聖賢祀後有聖賢事呂大夫身居單父之堂食甘西  
山之蕨聖賢人也故聞以片言成以不日毫不煩民  
力而俾先賢得安靈地不是役也豈所望於今之君  
子哉後志書有閔子書院余建一講孝堂以所註志  
孝二經朔望講於斯以醒世人耳目仍獻之闕庭時



逆增為政卒置焉不行劓氓蚩哉大抵世以文士而新於德行之科故孝者聖賢貴之世俗之也賤德貴藝世道尚可問乎子與氏曰聖人百師也行乎百世之上風乎百世之下使世之為者過此慕而憬然思翻然省竭力以事二人此為忠國家收真儒之用則今日之役其所以一當扶持世教者豈淺鮮哉大夫諱黃鐘字初澤州人中乙丑榜進士自魚臺縣調歷居二



廉名因礮石記之以為後之崇賢



逆增為政卒置焉不行矧氓蚩哉大抵世以文章取  
士而新於德行之科故孝者聖賢貴之世俗之所賤  
也賤德貴藝世道尚可問乎子與氏曰聖人百世之  
師也行乎百世之上風乎百世之下使世之為人子  
者過此慕而憬然思翻然省竭力以事二人將移孝  
為忠國家收真儒之用則今日之役其所以羽翼綱  
常扶持世教者豈淺鮮哉大夫諱黃鐘字初陽山西  
澤州人中乙丑榜進士自魚臺縣調歷居二載大有



太史德水蕭惟豫助建閔子墓祠記

予嘗讀廣輿記於徐州之龍城見有所謂閔子墓者  
茲得以後見諸歷山之麓耶土人傳遷葬一事殊奇  
一第市深論聞古之有道德者身既沒而門人弟子  
三載其衣冠築墓事之然則龍城豈其儀墓茲乃真  
所為幽冥也耶夫古昔之人衆矣繇春秋以迄今非  
一日矣曲阜之冢而外三千七十中其墓之若堂若  
坊若碑形者猶有幾存而閔子之墓何竟遙相望也



豈非以其賢哉豈非以其賢哉甲午秋予以闈試容  
歷下暇日邀諸同人辰拜其地相與采蕉荔為獻且  
結衣袞土於墓側效燕築之意但顧瞻祠宇榱桷几  
筵剝蝕於風雨鳥鼠雖羊豕佳城樵牧有禁而荒烟  
斷壠翁仲羊枕亂草中予為太息者久之乃言於眾  
曰以古賢人孝子之墓與祠而使蕪廢若是耶令予  
薄有力當不惜捐金修葺之予於是科適報雋心竊  
喜以為此後應能酬予願及乙未竟下第又三年於



戊戌始成進士蒙

世祖皇帝殊眷俾以庶嘗讀中秘書羈身輦轂不獲復為歷下之遊而曩日之願遂成子虛先生亡

矣然實心注之時以言於人有陳君諱美舊宦太原  
與長公文學王庭並近時古君子低回於閔子  
之墓與祠者蓋與予不謀而同因慨然與閔氏舉其  
事庀材鳩工費以千伯計役垂竣矣聞予之曾有此  
願也不自以為功馳千里言令予與為終焉予乃躍



然自慰幸予之得終此願也捐金佐之時已今  
上乙巳矣雖十年之願得此一酬然非陳君父子抱  
獨為君子之恥不幾令生平景仰前賢慨嘆荒隴之  
心為有餘憾也耶碌碌因人成事陳君父子雖不以  
此愧予予實自愧也閔子之行載在論語家語者雖  
三尺童子皆知之予不暇贅第述予之初願而陳君  
父子之所成於予者如此更望後之人踵成事而日  
增之令億萬世之過墓生哀入廟起敬以相感於無



窮也是又予之願也夫是為記



三晉齊州閔子廟管學使淮陰周龍甲募序

昔者聖門之徒顏子簞歌陋巷屢空晏如原思風雨  
不改歌聲金石閔子之賢何獨不然而必為之美其  
宮峻其垣高大其門閭哉雖然貧而樂道不求安居  
聖賢之自處則然若後儒景仰宗風子孫推崇祖德  
則必於是不當因陋就簡聽其頽廢不問也余歲前  
巡視曲阜謁夫子之宮見美哉翰美哉奐重門綺戶  
峻宇雕牆在聖人者已然矣若顏氏之宮雖遜於是



亦寧不美好聲翼也閔子之賢亦顏子流亞則何不  
莫美宮峻其垣高大其門閭哉今閔生煒實先賢之  
子孫遠思水木請修墓祠而前任使君劉公太史蕭  
公分俸首事委吏陳美鳩工棟宇傑然峻起第是額  
道大壘外戶不完則牛羊得而蹂躪樵牧得而暱處  
牛所不晏先靈也復請之中丞劉公慨然捐俸作倡  
而中丞為序余雖不敏樂執筆從事且步後塵以  
繼之  
二  
崇  
祖  
德  
苦  
心  
至  
材  
木  
覺  
夢  
之  
費  
陝  
登  
塗  
墜



之用斤斧舟楫之功資費不給是在聖賢之徒各出  
阿堵六袞厥成以寄吾黨景仰之意勿謂是固終身  
陋巷中人無妨因陋就簡也則幸矣



重修閔子廟

募引

自開闢以迄今茲幾千百年餘矣而忠孝凜然日月  
常新固其天性使然哉良由古先聖賢設身垂世真  
至誠之感有以動之而天下後世惟此忠孝種子留  
之人心而不去彌久彌光於天地之間在昔尼父志  
在孝經著書以授弟子其書既成簪縹筆衣絳衣向  
北辰言惜有赤虹自天而下化為黃玉刻文其時與  
七十二子齋折面斗而受之故聖門以孝聞者實繁



有人惟我閔夫子稱最著今歷城東五里即其夫子  
之墓也其里亦即以閔孝名越稽隋大業四年乃立  
夫子之後祠而祀之則又宋熙寧七年建自李公肅  
之肩山蘇氏穎濱摩苔以勒其盛事固班班可考也  
沿及後明萬曆朝為兵所燹閔氏之子孫弗克甯葺  
幸有郡朴史劉君整餘焉迨至崇禎朝不惟享殿併  
講孝堂蘆花諸齋院盡為頽圮後雖屢請督學諸君子  
委太原經歷陳美稍為修建享殿諸若講孝堂蘆花



館登書院齋所猶然茂草所鞠余嘗過歷下仰止夫  
子之宮墻爰登其堂瞻其棟宇景其儀容拜其几杖  
想見當年無 之

萬余心

其畢然望喟然感曰嗟乎夫子

之孝之殺人如是也哉今當

聖天子孝治天下特

命儒臣纂輯孝經衍義傳之不朽夫際此  
昭代興孝之日後之學者不為夫子上之



天子例四氏學陳請博士一席以榮夫子後裔而固  
令夫子廟庶不光遺址荒廢吾恐司世諸君子當必  
有大不忍於心者矣夫子六十四代孫弟子員煒遠  
絕乃泣不匱之思爰發爾類永錫之感因其舊址重  
新庶揭以翊廟模以弘祀典復誦諸君子共有慨然  
勁舉之德意乞 不佞一言以弁余聞古至人式賢人  
之間哭孝子之墓事有曠代相感不自今日况我文  
子固彝倫之矩範而吾道賴以主持於萬世者也忻



然樂為之疏爰贅之以讚

緬維聖門

德行首尊

顏曾並駕

夫子其人

孝友溫克

器量閭閻

不仕強季

不問昆親

於燦昭代

崇獎天統

夫子之裔

蚡錫宸綸

為新廟貌

永厥神裡

鼓鐘萬世

以享以蒸



重修先賢閔子祠碑記

志聖人之志而勃然斬至於是雖儒者猶或難之聞  
孝子之風雖愚夫婦亦油然以不得至於是為愧豈  
聖人之感人不如孝子哉精微之理難尋而親愛之  
心易動也且夫聖人之道亦孝弟而已矣自夫子以  
至德要道覺斯人從遊者三千顏魯而次惟先賢閔  
子亞於聖焉迹其辭賞宰譏長府氣象閤閤然而孝  
哉一嘆尤足感人心風百世其德則顏也其孝則魯



也濟南古齊地東郭外五里為閔子墓道墓之前有  
祠宋邵守李肅中所建明神廟時邑令張翼明復祠  
於郭門內以妥享嘗歷年既久遺址僅序

贈芳奉

命宋守茲郡懼無以起民之敬而神之不願享也乃  
以今歲所入易而新之閔子魯人也鄰於齊卒而葬  
焉齊之有閔子祠宜也夫孝弟之至通於神明光於  
四溟靈之四時之氣淵泉之行無乎不周故其人不  
必身忘於是而蒸蒿悽愴若或見之况祠墓所在哉



贈芳不髮受書服膺聖人之教數十年於茲自念祖  
父兩世並以孝子旌於  
朝門內之修邦人則傲而贈芳德薄弗克承其先緒  
今雖盡一日之養而祿弗逮親無以竭力獨慄慄於  
涖官事君敬體

朝廷孝治天下之意冀免於毀行辱親之失以無忝  
於所生修孝子之祠而拜其墓雖不能至竊嚮往焉  
昔孟子以愛親敬長為良知良能謂可達之天下又



曰人人親其親長其長而天下平蓋其理得之最先  
施之最切且近發現最真而推暨迄於無窮然則感  
人心而風百世宜莫孝弟若子弟之未能而高語道  
德曰吾將學聖人焉聖人之道豈若是其無本哉故  
曰學聖人必自孝弟始世未有不為曾閔而能為孔  
子者也祠既成諏吉將事記之以為風俗勸時道光  
十二年壬辰冬十月二十日也自經始以誌卒事計

三十首三日



賜進士出身朝議大夫兼護山東鹽運使司鹽運使  
知濟南府事廬陵王贈芳敬撰並書



重修先賢閔子墓祠記

出歷下東郭門五里而近望之鬱鬱葱葱然者  
先賢閔子墓也志稱由莘不注山下遷葬於此不紀  
何時然石棺具在非無徵者墓前有祠建於宋熙寧  
間蘇文定公之記可考也元時設書院集儒生讀書  
其中為極盛焉有明一代屢修屢圯及我  
朝更加整葺相繼弗衰

世宗憲皇帝親書躬行至孝匾額頒之



天章魏煥日月同昭道光時王公贈芳來守濟南續  
為夢翌並置墓田距今又數十年矣余以同治乙丑  
主講濼源書院嘗率諸生拜墓下見其垣宇傾頽蕪  
穢不治心竊傷之歲辛未代理五經博士滕縣生員  
閔廣銓者為閔子七子世孫來從遊願以興復為已  
任願力有未逮也余為之請於同年觀察蕭公培元  
慨然倡捐錢五百緡學使潘公斯濂歷城令劉公嘉  
幹谷助以貲閔生復集其族人得若干緡其事遂舉



觀察親往相度改祠門使高大左右增雁翅墻及花  
墻百餘尺又以祠內偪仄移神龕近後並增月臺花  
墻百五十餘尺而規模益宏敞矣墓後舊無周垣慮  
蕪收之莫禁也增築圍墻五百尺祠左舊無廬舍念  
守者之無棲止也增建東廂三楹其餘闕者補之壞  
者易之尅期告成煥然一新致祭之辰觀察齋肅將  
事余偕邑紳諸生等咸往陪祀升降拜跪行三獻禮  
既成而在館適自華陽宮昇至距祠門數武止不動



因建以香甲迎始輕舉如前遂度月臺右側以存古  
蹟守所時也衆目共睹咸謂閔子數千年後靈爽式  
憑莫不悚然起敬也先是觀察嘗與運使潘公爵重  
修城內閔子祠今復為是舉其所以表章先賢風厲  
世俗者孜孜不倦而閔生與其族人追念先澤不愧  
報本追始之義皆不易得也故為之書其顛末如此  
若聞子孝垂天壤婦孺共知奚待余之贅言哉是為

記



賜進士出身前經筵講官吏部左侍郎軍機大臣

上書房行走膠西匡源敬撰

賜進士出身前起居注官詹事府左贊善署理按察使司濟東道昆明蕭培元敬書

大清同治十二年歲次癸酉冬十月閏子七十世孫代理翰林院五經博士閔廣銓率族人謹立石



沛縣回文作碑記

署江南徐州府沛縣曹為遵例移請優免事准貴院  
發開案照嘉慶二十一年四月初九日據族奉祀生  
閔克相呈請查照舊例移懇優免襍泛差徭當因與  
例相符刷碯移會在案茲復據該生等稟稱竊生等

日赴縣稟懇蒙批准照例優免捧讀 全批感戴無



既理合稟明宗主知照等情據此查該生等襍泛差  
徭既蒙

貴縣急賜蠲除不惟該生等世世感德即敝院亦深  
銘叨相應移請

台案將准免緣由備文示覆備案永誌  
鴻慈栽培為此懇祈

貴縣請煩賜覆施行等因到縣准此為此查敝縣現  
在並無應辦差徭無從派給嗣後如有襍泛差徭即



將貴族奉祀生閔克相等應攤差徭照例優免茲准  
前因擬合備文移覆為此合移  
貴院請煩查照施行須至移者

嘉慶二十一年五月吉日

世襲翰林院五經博士閔廣源率族奉祀生閔克相

謹誌



閔子圖像論贊序

我皇帝以親藩而纘大統予開太平之元不遺衰殘  
仍俾余開府山左而且寤寢前聖念其象賢是歲仲  
春

駕臨暨水釋奠

先師其東魯聖賢之苗裔衍聖外孔顏孟三氏俱以  
博士弟子由承宣入京觀禮他不與焉時歷城東郭  
亦祠光大賢閔夫子於茲於是有魯大宗閔氏壽保



攜家傳來况余呈請以守禮祀因出圖像論贊一卷  
凡十有四帙每圖之下各有年譜事蹟令人一披覽  
焉而如晤者此閔夫子畢世始終之景况於御車見  
其孝於問政昭其忠長府辨琴仁知之言也侍側菜  
色道德之貌也去汶適周不仕之志節足重操琴聞  
韶君子之禮樂可崇雖教學日廣而猶不免厄於陳  
蔡此則天也天不生閔夫子於唐虞揖讓堯舜而生  
於春秋晉接宗王為聖門特選嗚呼後之望古遙集



景行高山有不躊躇瞻顧而興懷賢哲者乎苟非有  
斯編又何以慰有目之懷而與闕里一誌並傳不朽  
哉余是以勒詩墓側而以斯付之梓

嘉靖改元仲冬之吉

嘉議大夫巡撫山東廬陵後學陳鳳梧沐手拜纂並  
撰



為父御車圖 七歲母齊姜氏喪繼母樂氏輒苦之  
冬月以蘆花衣之以代絮至十六歲父令御車五  
父衢體寒失割父責之不自理父察知之欲出後  
母跪曰母在一子寒母去三子單遂止其後母亦  
改悔卒待三子如一後從學孔子孔子曰孝哉閔  
子騫人不間於其父母昆弟之言






從學先聖圖 二十歲從學於孔子因讀書汶陽之

山知崇仁勵義今汶陽有閔公山焉





四十一

卷一

四十一



御車聞韶圖 二十二歲從學於孔子在齊聞韶孔  
子至齊郭門之外遇嬰兒挈壺方行其視精其心  
正其行端閱子御孔子謂曰趣驅之韶樂方作至  
而聞韶學之三月不知肉味曰不圖為樂之至於  
斯也





四賢侍側圖 二十八歲與孔子退修詩書禮樂一

日四子侍側故論語記閔子侍側問問如也云云





諷諫長府圖

二十八歲魯人為長府閔子騫曰仍  
舊貫如之何何必改作子曰夫人不言言必有中  
春秋不書長府相傳皆閔子諷諫之力





蘇東坡詩

卷一

四

三十四



辭召去汶圖 三十七歲季桓子遣使召為費宰閔

子曰善為我辭焉如有復我者則吾必在汶上矣  
於是避召去汶上今有避召處





問政先聖圖 四十三歲偶問政於孔子子曰以德  
以法夫德法者御民之具猶御馬之有銜勒也人  
君之政執其轡策而已故御四馬者正六轡御天  
下者正六官





編次圖畫

卷一

四十五



二賢辨色圖 四十六歲子貢問曰子始也有菜色  
今有芻豢之色何也閔子曰吾出蕪葭之中入於  
夫子之門夫子內切磋以孝外為之陳王法心竊  
樂之出見羽蓋龍旂裘旃相隨心又樂之二者相  
攻物中而不能任是以有菜色也今被夫子之文  
寢深又賴二三子之切磋而進之內明於去就之  
義出見羽蓋龍旂裘旃相隨視如壇土矣是以有  
芻豢之色





厄於陳蔡圖 四十七歲從孔子厄於陳蔡之間絕  
糧七日莫能興子貢至楚昭王興師迎孔子然後  
得免





居喪達禮圖 五十四歲居親喪三年畢見於孔子  
與之琴使之弦切切而悲作而曰先王制禮不敢  
過焉孔子曰閔子哀未盡能斷之以禮不亦君子  
乎與夫子刪述六經追述三王之禮於禮記最有  
纂訂之功





聞琴辨音圖

五十四歲孔子晝息於室而鼓琴焉

閔子自外聞之以告曾子曰嚮也夫子之為音清  
徹以和淪入至道今也更為幽沉之聲幽則利欲  
之所為發沉則貪得之所為施夫子何所之感若  
是乎吾從子入而問焉曾子曰諾二子入問夫子  
夫子曰然汝言是也吾有之向見貓方取鼠欲其  
得之故為之音汝二子孰識諸曾子對曰閔子夫  
子曰可與聽音矣





圖說

四十九



通周返轅圖 六十一歲適周欲行孔子之道會欵  
王崩輒返自范之齊從遊者甚衆後設教於魯衛  
曹滕齊宋諸國及門若曾元東郭蘭氏申氏之徒  
後訂論語諸書





圖說

五十



孟嘗受業圖 八十九歲在滕孟嘗君請學使車往  
迎閔子閔子曰禮有來學無往教致師而學不能  
禮往教則不能化君也君所謂不能學者也臣所  
謂不能化者也於是孟嘗君曰敬聞命矣明日祛  
衣請受業 齊田氏有孟嘗君生戰國去閔子尚  
遠故王肅本有少孔子五十歲之說附錄





聖既擬天

賢亦希聖

烝烝子騫

立體中正

辭祿養親

孝親盡敬

勉心景迹

事詞流詠

晉常侍譙國夏侯湛贊



閔子鴻都門學畫像  
字子惠魯人少孔子十五歲



按國子家乘唐鄴侯李繁建孔子廟於處州

繪顏子閔子以及子夏十人像故孔子四十六  
代孫孔宗壽家藏所畫先聖按几而坐從其子弟  
者亦謂之小影摩詰之筆為正摹者多訛

中州呂維祺敬誌



鴻都門學舊有閔子畫像蓋漢光  
和年間本也世家  
武之年淫莫卜肖似維復取而臨之



太原王維



歷朝從祀先聖孔子廟稱篤聖閔子居十哲首壇

唐玄宗開元二十七年追贈費侯

宋真宗大中祥符二年進封瑯琊公遣尚書左丞陳

堯叟祭公於沂特廢裔孫守祀

宋度宗咸淳三年改封費公冕九旒服九章執鎮圭

元武宗至大元年詔十哲三獻祭菜用牲頒降樂章

奏姑洗成安之曲

明肅宗嘉靖九年改稱先賢閔子





內秘書院大學士吏部尚書益都孫廷銓贊頌有序  
先賢閔子魯人而葬於齊余生長齊魯之交數經墓  
側僅以十里而遠展謁闕如至今愧之獨念先聖及  
門皆未獲得志以行其道以閔子大賢首列德行而  
來茲莫得而述焉况餘子乎雖然聖門之有閔子殆  
虞庭之有后夔也何則古之聖人未有不以身教者  
也爰之教胄俱在虞書閔子行事雖不少槩見而魯  
論詩紀約畧盡之夫孝德孚於內外氣象近於中和



非直而溫寬而栗者乎季氏召而善辭長府作而微  
中非剛而無虐簡而無微者乎使聖人而得大有為  
於天下則典禮樂而和神人者非閔子其誰與歸爰  
以其六十四世主祀孫煒之請也而作頌曰

運丁春秋

道廢不行

聖則鳳衰

賢斯鴻冥

倬彼閔子

如天麗星

墓奠齊域

三事蒸蒸

祠崇沂澣

萬松稜稜

至德潛耀

塞淵莫名

寬鄙敦薄

樹以風聲

躬行之教

百世以興



禮車式墓

馳馬先型

爰咨哲胤

樹此刻銘

南莊泉間使四明後學邵于道贊

繁披先賢

道宗尼父

具體而微

與聖今古

孝慈庭萱

清流汝澣

歷代褒封

奕世樽俎

振振雲仍

韋光東魯

山西督學使原山後學張四教贊

德至惟孝

被文寢深

芻豢之色

蒹葭瓊琳

罷斝不視

汗綠不食

其音切切

斷之於琴



亦既蹉止 亦既進止 於惟夫子之字之也  
非君子其誰與欽



歷朝崇贊

唐開元七年司業褚無量

閔子具體

懷珍處晦

鄉黨稱孝

宗

汶水清流

長府舊貫

有德有言

尼

宋大中祥符二年大學士王旦

子家遠者

閭閻成性

德高四科

學生

人無間言

道亦希聖

公袞增封

均乃

宋徽宗定三年節製



天經地義 孝哉閔騫 父母昆弟 莫間其言

汗君不仕 志氣軒軒 復我汶上 出處休焉

元大學士虞集

孝哉子騫 孔門醇粹 不仕大夫 不居危地

斯文興喪 與道終始 俎豆是新 昭忠曷已

明太祖洪武元年御圖

閔氏有賢郎 何曾怨晚娘

尊前留母在 三子免風霜



明山東巡撫陳鳳梧

維彼先哲

道德範圍

百行首善

四科增輝

抗節不仕

具體而微

允言篤聖

萬代依歸

小像

嗚呼何賢

閭閻侍側

邁曾之孝

媿顏之德

斯文未喪

吾道生色

我儀圖之

篤聖是則

明山東巡撫陳鳳梧墓詩

附錄

巍然丘墓歷城東  
瞻仰衣冠萬世同  
德行聖門真首



遺身名先代有休風  
斑斑苔蘚碑文古鬱鬱松楸享  
啟崇南望孔林應不遠  
辨香端拜一誠通

清濟東道蕭培元閔損御亭詩

得衣字五言八韻

孝哉推閔損冬令著單衣  
裋褐嗟身冷輕車執御歸  
袍同由也敝乘少赤之肥  
蒲葉雙輪挽蘆花兩袖飛  
矜懷兒肘露輿論母心非  
脫輻夫分袂攀轅婦去愷  
一言同轉轂三子樂春暉  
侍養辭軒冕門前轍跡稀



經史傳註

周 公孫丑孟子大文 舟牛閔子顏淵則具體

微

漢 司馬遷仲尼弟子列傳 閔損字子騫少孔子

十五歲孔子曰孝哉閔子騫人不問於其父母昆  
弟之言不仕於大夫不食汙君之祿如有復我者  
必在汶上矣

東漢

陳羣孝經舊註

子騫上事父母下順兄弟



動靜盡善故人不得有非問之言 胡氏註論語孝哉章本此不錄

魏 王肅注孔聖家語 閔損魯人字子騫少孔子

五十歲以德行著名夫子稱其孝焉

唐 孔穎達齊論註疏 閔子婉諷長府所謂仁人

之言其利溥哉 王氏註本此不錄

宋 程顥魯論註疏 仲尼之門能不仕大夫之家

者閔子曾子數人而已 謝氏註本此不錄

宋 真德秀性理論贊 閔子言行見於論語者唯



四章合而言之見其躬至孝之行辭不義之祿氣  
和而正言謹而確此其所以亞於顏子而與曾子  
並稱也歟

諸儒論畧

孔安國 閔子辭季召恐其重來欲去汶水上北如  
齊也

鄭玄 閔子魯人按目錄所載為聖門特選

孔頴達 閔子之孝能處變而不失其常



蘇轍 聖門稱德行者四人獨仲弓嘗為季氏宰其上三人皆未嘗仕季氏嘗欲以為費宰閔子辭云  
云 齊州廟碑

范祖禹 子騫之行能使其父母昆弟人無間言此難能也舜之父母兄弟以頑嚚傲聞然則閔子賢於舜子曰舜以諧頑嚚瞽瞍底豫為孝閔子以善父母昆弟為孝

又 閔子顏淵之倫也不仕於大夫亦不仕於諸侯



抑仲弓之賢猶為季氏宰若顏閔者夫子之得邦  
家斯任矣

又夫子之門人顏閔伯牛可以為輔相云云而猶  
不免厄於陳蔡此則天也

朱熹 閔子侍側其氣象外和內剛德氣深厚閔閔  
如也

方孝儒 季氏之使閔子不過求忠臣於孝子之門  
索政事於德行之選在閔子抗節不仕深得鴻飛



皇天之神



制藝文

孝哉閔子

一節

儲在文

賢者之孝自人言而益彰也夫稱閔子之孝者始以  
父母昆弟而人言繼之聖人亦從衆而已矣且孝者  
五常之本百行之原也人事三變而行孝者祇一理  
焉人類至別而言孝者無二情焉情理之極動於天  
性之自然故虛聲可以昭實德也孝哉閔子騫吾之  
聞是言也久矣人情少見則怪而有帖然服者道不



越庸行而如有驚異之辭亦俗聞善則疑而有釋然  
信者事非必身親而不盡流連之慕吾不知始自何  
人而籍籍者盈吾耳也觀於其家而知言之自其父  
母昆弟來也既為父母無不望其子之孝彼其父母  
何所不然乃聆其言而忻喜自道者竊幸有子焉非  
私也人聞之而亦曰非私也苟有昆弟無不願昆弟  
之孝彼其昆弟又豈不然乃叩其言而愧讓弗如者  
若此為弟為非妄也人聞之而僉曰非妄也且其父



母昆弟豈必誇耀於人哉人之言亦豈附和而不察  
實者哉人生不過日用周旋之地而孝子久於其側  
自覺其快然而無求天下雖有勇悍難馴之夫而孝  
子過乎其前未嘗不肅然而起敬而孝子又何知焉  
吾見其朝問而夕視也伯仲之間訢訢如也方且不  
知所為孝又安問所為言而至性所流入焉軌化篤  
行之積久而自彰蓋至於父母昆弟洒然動容而行  
道之人欲為之流涕也蓋至於宗族鄉黨翕然同聲



而孝子之心轉為之惕息也嗟夫觀乎此者孝弟之心可以油然而生矣孝哉閔子騫人言信也又何間焉

魯人為長府

全章

朱為弼

魯有加賦之心大賢於論長府止之也夫長府舊矣為之者復何心告以仍舊明魯賦之不容加也閔子一言豈僅為長府發哉且國家擅興徭役之事賴儒臣清議以止之止之者謂可以愛人而節用也而寔



則所以裁其厚斂之心勤其法古之意魯自宣公變  
法至定哀而民賦日繁國用倍蹙而一時持計之臣  
思慮有所增益乃以為長府聞夫魯先公當日所為  
藉曰以力賦豈以人以其之長府也亦云舊矣乃傳  
之至今而逸議改作也魯之臣民衆矣胡不聞一言  
及此此無論澤州致興役之檄登邱兆夜呼之變哀  
我深人識不樂親機幸於周道而原夫宏規大起竊  
自疑三歲之小充足無論舒袖重東人之困酒漿貽



宣如懸磬更不宣宣馨鼓于司空而揆其  
朝一其新定深慮成模之尚隘長府之為其為加賦  
其何魯之人竟無一言乎惟閔子慨念前章深  
以流弊而曰長府蓄矣偽之矣不可者而必出于政  
也也斯人也斯言也微特祖宗之成憲復留于孫子  
之訓而由此息事安民已默造數世蒼生之福微特  
其功之農功不奪於公自之役而由此薄征平賦豈  
力就素朝格克之風夫子乃急欲為魯人告也曰克



人亦言言必有中為長府者亦聞此言否耶朝廷會  
款之謀每不欲顯違乎古制變而為履款變而為邱  
田兵燹後俱無明文而茲更因之而為長府不遺其  
流也其一之壞更甚於餘政也以仍舊者預防之使  
一以式規模亦可紛更於奕襍而頌貨受藏頌賄受  
用焉備乎奪與而本愆焉則既寬手足於閭閻定隱  
裕脂膏於畷畝用體在膏尚其聞斯言而行徹法乎  
君相詒謀之誤要無庸過激以危詞家則有場宮朝



則有病觀其創舉有何顧忌而茲復侈然而為長府  
明核其詞恐土木之興適成於訾議也以仍舊者婉  
商之仗知高曾遺矩不妨世守夫章程而邦甸有賦  
家稍有賦胥準乎舊籍而不易焉則既杜田賦於將  
來亦更諷作軍於既往方策在魯尚其聞斯言而思  
至道乎不然蛇淵之築西郭之城定哀以來不絕書  
不聞子何不聞一言也故曰仍舊之云為加賦言也  
人不問於其父母昆弟之言

吳世蕃



稱孝者無異詞可以徵實行矣蓋非實有於中則父  
母昆弟之言且不可得况欲人之不間乎宜子之以  
孝推閔子哉若曰天下之所不言而同然者大都在  
庸行間矣顧著於外者要必本於中苟非內美素孚  
則無以達乎家庭即無以行乎里巷而欲強人情以  
譽其所未信勢必有所不能乃我觀閔氏子而後知  
立德洵有真也吾蓋有以驗其孝矣日用行習之故  
感乎各動於天往往其事甚平而身受者樂道焉即



非身受者亦樂道焉鄉曲之評其雷同未可以苟得也庸俗耳目之交稱許亦因其實往往一辭偶出而始之信者少焉繼之疑者亦少焉交口而譽其賞識若併為一談也今夫覘色笑於庭闈則曰幸哉有子叶無流於伯仲則曰愧不如兄人苟得此亦復何譏然而父母昆弟之言不足為外人道也倘其稍有間焉吾又安知其孝之果無歉耶蓋天下之公論出於人古今來得親順親之事有時同室不欲言而歌泣



之三情偏能達於道途之口此以知存乎人者雖疎  
逝而可驗其誠而天下之刻責亦出於人古今來盡  
愛盡敬之為有時曰空無不信而笑啼之偽態獨不  
濟于呈黨之心此以知係乎人者豈倉猝而易彌其  
隙乃何以言及閔子之孝而人之言與其父母昆弟  
之言祇無間也最足異者人子一日之自盡而末俗  
每驚為難得之奇以閔子子職自供萬不欲藉藉者  
這子於衆論孰意驗之遠邇不啻相得而益彰也夫



庸德本非立名之地縱使令聞四集要豈閔子所樂  
言乃至性相通自有不謀之合歡然者門以內也暢  
然者門以外也氏棄物則之內早不期而得此同聲  
與最可喜者人子百年之苦心而積久亦報以不刊  
之譽以閔子撫躬自疚又豈料默默者竟著為美談  
誠意証之家邦不啻相視而莫逆也夫潛德本無欲  
發之光縱使聞寂無稱亦於閔子何所損乃人心不  
遠正求於意之詞始則鬱然其莫伸也久則翕然其



交頌也隨聲附和之中實無心而存此公道矣孝  
閔子齊人言如是吾又何聞焉

李氏使閔 一節

鄒世楠

大賢之在權臣志決而詞婉矣夫貴宰也而豈能口  
閔子耶觀其對使者之言何其志之決而詞之婉也  
今夫權勢之所歸人材之所爭集也獨有人焉具堅  
貞之操而能有以自全此無他好爵之縻不敵其潔  
身之志則雖帶重言甘終亦不為其所誘矣若閔子



壽之於季氏其得之乎季氏之使閔子為費宰也故  
世卿之力以令儒生方且謂招之即來并無俟於再  
三之尋求寔素之才以供職事方且謂麾之不去而  
豈其有遠避之思乃閔子則謂使者曰今日者已旌  
其下遠耶哀翁其下交耶殷殷然屬意于吾者大夫  
其近聽耶皇皇然傳命于其際者吾子其勸駕耶雖  
然損之始願不及此也願常把此鄙樸之姿以優游  
于東魯而不能以無端遇合忽為勤官樂仕之身願



得守此匡居之素以終老于宗邦而不能以意外遭  
逢漫膺社稷民人之寄勤之以利祿而損無宦情諷  
之以享功而損無吏治責之以撫字而損畏其勞迫  
之以催科而損憂其拙此其情惟吾子之善為達也  
吾子言之大夫聽之損也安之幸矣哉然而事未可  
知也守數畝之宮以違當事之意其迹有似于矯也  
而必欲強而起之則厚意有加而素絲良馬復在吾  
廬矣然而吾意已決也懷石隱之志以去父母之邦



損豈樂於為此乎而如或迫而致之則不待徘徊而  
泌水衡門儵然自得矣則吾必在汶上矣夫求之愈  
急去之愈遠大夫當有責其傲者而言已盡于今日  
異時可恕其不恭子或復來我將獨往子亦有憚其  
勞者而今此無失其辭異日何煩子再至雖然度子  
大夫必不復我也子大夫職操進退則簿書錢穀自  
有明察之才何至以汲引高風轉迫我泉石山林之  
志况吾子密爾主君則婉導微言自有轉圜之易何



難以凡詞調護得安我絃歌誦讀之常閱子之拒季  
氏如此夫世之樂於仕進者每日吾力不能辭也然  
而如閱子者季氏且奈之何哉



大唐定譜

太宗貞觀二年上曰我欲定氏族而崇我朝人物冠  
冕垂之不朽何容納貨舊門嚮聲背實為也

又以山東士人閥閱是尚雖族已衰而聖賢之胤  
猶負世望至有賣婚之弊於是詔高士廉等攷天  
下之譜牒以進忠良退凶惡先宗室後外戚退新  
門推舊望右膏腴左寒畯也 高士廉等攷詳合  
為九等凡二百九十三姓千六百五十一家號士



族志以進 二等閔姓與騫姓凡六家

一漢高官故隴西系於官譜

一魏晉尚姓故顏閔列於狀

一南北尚詐非四姓不與焉

晉賈弼大披羣族撰十八州百一十六郡合七百一

十二卷 閔氏附騫氏一卷 晉尚書閔鴻上族

氏譜

宋元徽二年知譜事太保王弘



齊永明六年知譜事尚書郎傅昭

太尉文憲公王儉

梁天監七年知譜事御史大夫王僧孺

尚書兵部侍郎鄭執

陳末定七年知譜事道陵侯陳法朗

隋大業元年知譜事太學博士孫德言

訂譜姓氏

吏部尚書高士廉



御史大夫知譜事李公演

左司郎中共知譜事岑文本

右書舍人共知譜事徐愛言

中書令總裁孫彥博

貞觀六年舊譜開後併狀呈

上入白藏之秘閣今當書名家枝葉各留淨本一道  
以示後來併

晉崔琳顯一百二十七姓郡望同編為一卷永傳不



衞者

姓考

閔姓古無此氏族出於姬魯閔

史作

公開

系作

矢位

于魯以謚為姓蓋成季所賜也子魯生澤澤生伯衍

伯衍魯大夫生子建子建生子馬子馬魯監史大夫

行業著於春秋生損述文孔氏居德行之科稱大賢

故別之為閔子家系

閔子家乘



魯周公世家譜圖 啟賢世系

伯禽代 封魯少昊之墟康王十六年卒

考公首 在位四年

煬公熙 在位六年

幽公圉 在位十四年

魏公潰 在位五十年

厲公擢 在位三十七年

獻公具 在位三十六年



真公濬 在位三十年

武公敖 在位九年

懿公戲 在位九年 周宣王立伯御弑之

造 未立

伯御 在位十一年 周宣王殺之

孝公稱 在位二十七年 周宣王立

惠公弗湏 在位四十六年

隱公息長庶子攝政 在位十一年 公子揮譖弑之



桓公允 在位十八年齊滅之

莊公同 在位三十二年

般 季友立十月慶父弑之

閔公啟 慶父立 在位二年慶父欲自立使卜齋弑之武闈

僖公申 季友立元年以汶陽鄭封季友季友為相請立閔公後施伯以子魯奉祀賜姪閔氏

子魯 以謚為姓始姓閔氏流裔於後

澤

伯行 魯大夫



子襄

子馬

傳稱馬父魯大夫監周史於昭父之世其言  
行在氏於春秋劉向校之國語年八十五  
卒葬少昊墓西北泗水上世傳馬父塚娶姜  
氏生損禮娶樂氏生需如今傳馬父春秋遺  
本

損

需無詩

如傳仕昌國君其宗去龐西

閔損字子騫以德行著名夫子稱其孝焉不仕大夫



不食污君之祿氣和而正言謹而確世稱大賢

閔子年譜 述文實錄

閔子生於魯其先魯公族也曰閔公啟慶父弑之僖  
公元年季友為相請立閔公後以其子魯奉祀始姓  
閔氏子魯生澤澤生伯衍伯衍生子建子建生子馬  
父子馬父初娶齊姜氏生損蓋周景王八年魯昭公  
三年甲子春正月生也生而表相奇穎二氣盈成夫  
日中則移月滿則虧因名損字子騫生至孝七歲昭



公十一年庚午母齊姜氏喪繼母樂氏輒苦之冬月  
以蘆花衣之以代絮其所生二子則衣之以綿己卯  
十六歲父令損御車五父衢體寒失鞞父責之不自  
理父察知之欲出後母跪曰母在一子寒母去三子  
單遂止其後母亦改悔卒待三子如一十九歲壬午  
敬王立昭公二十四年癸未二十歲從學於孔子因  
讀書汶陽之山知崇仁勵義從孔子適齊至郭門之  
外適嬰兒挈壺方行其視精其心正其行端閔子御



夫子謂弟子曰趣驅之韶樂方作至彼而聞韶學之  
三月不知肉味孔子適周與子路往從之始見於孔  
子有菜色後有芻豢之色曰聞其所不聞見其所不  
見吾益矣子貢曰子始有菜色今有芻豢之色何也  
閔子曰吾出蒹葭之中入於夫子之門夫子內切磋  
以孝外為之陳王法心竊樂之出見羽蓋龍旂裘旃  
相隨心又樂之二者相攻胸中而不能任是以有菜  
色也今被夫子之文寔深又賴二三子之切磋而進



之內明於去就之義出見羽蓋龍旂相隨視如  
壇主矣是以有芻豢之色奉先思孝接下思恭歸而  
事親鄉黨宗族亦稱其孝弟曰孝哉閔子騫故孔子  
曰孝哉閔子騫人不問於其父母昆弟之言二十八  
歲昭公卒於乾侯定公元年壬辰陽虎亂曰學有四  
失務學不如求師與孔子退脩詩書禮樂論語記閔  
子侍側閔閔如也傳言昭公二十五年公居長府至  
是魯人為長府閔子騫曰仍舊貫如之何何必改作



孔子善其言春秋不書長府相傳皆閔子諷諫之力  
定公八年己亥公山不狃不得意於季氏因陽虎為  
亂欲廢三桓之適更立其庶孽素所善者遂執季桓  
子桓子詐之得脫是以鄆自武子城之屢畔使子路  
治之三月無成又使子羔治之九月無功定公九年  
庚子陽虎不勝奔於齊是時閔子年三十七公山不  
狃以賣畔季氏使人召孔子孔子欲往然亦卒不行  
因使閔子壽曰善為我辭焉如有復我者必在汶上



矣遊召去汶上越明年墮賈生子法於汶上四十二  
歲定公十四年乙巳聞孔子去魯往從遊焉相遇於  
屯見節已送孔子出掩容琴作離洞雲朝天鶴獻之  
夫子遂適衛居十月將適陳過匡子畏於匡去過蒲  
月除過乎衛主蘧伯玉家丙午定公薨去衛適宋習  
禮大禱下桓魋欲殺孔子拔其樹與顏子作而言曰  
可以遠矣遂至陳主司城貞子家過蒲遂適衛靈公  
老怠於政不用孔子孔子行閱子執轡問政於孔子



子曰以德以法夫德法者御民之具猶御馬之有銜  
勒也人君之政執其轡策而已故御四馬者正六轡  
御天下者正六官將西見趙簡子臨河而返復在衛  
又如陳魯哀公元年丁未子馬父致仕自蔡如葉遷  
於蔡哀公四年庚戌厄於陳蔡之間絕糧七日莫能  
與子貢至楚昭王興師迎孔子然後得免聞子馬父  
致仕曰子之事親命也無所解於心返魯養親哀公  
乙年己卯子馬父卒蓋年五十二歲矣曰若是乎古



之道不即人心要經服事葬子馬於少昊墓西鄙泗  
水上年公十一年丁巳三十四歲適孔子歸魯三年  
之長華見於孔子與之琴使之弦切切而悲作而曰  
先王制禮不敢過焉孔子曰閔子哀未盡能斷之以  
禮不亦君子乎與夫子則述六經追迹三王之禮於  
禮記取有秦訂之功孔子晝息於室而鼓琴焉閔子  
自外聞之以告費子曰嚮也夫子之為音清徹以和  
淪入至道今也更為幽沉之聲幽則利欲之所為發



沉則貪得之所為施夫子何所之感若是乎吾從子  
入而問焉曾子曰諾二子入問夫子夫子曰然女言  
是也吾有之向見絳方取鼠欲其得之故為之音女  
二子執識諸曾子曰閔子夫子曰可與聽音矣哀公  
十二年戊午年五十五復去魯孔子曰從我於陳蔡  
者吾不及門也記者是以列之德行之科哀公十六  
年去戊年五十九孔子卒為之服心喪三年六十一  
歲哀公十八年甲子適周欲行孔子之道會敬王崩



宣公元之二年自范之齊繼母樂氏卒嘆曰孝子不  
臣求錫不類盡事親之難也見三家勝魯如小侯作  
詩魯詩歌鴻飛冥冥七者何慕後設教於魯衛曹滕  
齊宋諸國六十九歲壬申元王崩甲戌悼公立及門  
若曾元東郭蘭氏申氏之徒後訂論語諸書八十九  
歲孟嘗君請學使車往迎閔子閔子曰禮有來學往  
教教者上而學不能禮往教則不能化君也君所謂不  
能化者也臣所謂不能化者也是孟嘗君曰敬聞



何兵明曰袞衣請受業冬十月卒終於齊時周定王  
二十一年魯悼公十九年壬辰興業於魯傳道孔門得  
之爲厚公孫旦曰吾牛閔子顏淵具體而微孔  
子德不修行不動則顏閔冉雍特豈証歟後與

祀孔子廟

閔子傳道

德行流芳

崇祀

漢景帝元初二年三月己丑進幸魯祠庚寅祀孔子



於闕里及七十二弟子賜褒成侯及諸孔男女帛  
帝諭曰朕茲登堂孔里釋菜奠帛敬禮先師以闡聖  
教嗚予一人空虛多疚盥洗享薦慙愧祇慄其顏  
閔七十弟子聖人之徒服膺儒術興業傳道歷數  
既仁靈耀著明且其後胤咸來助祭亦宜設主與  
參享祀勅泗水令

漢安帝延光三年過魯祀孔子於闕里及顏閔七十  
二子



漢宣帝光和元年置鴻都門學畫先聖先賢於壁孔子坐顏閔十弟子立侍六十六子並圖兩壁

晉魏五代皆釋奠於太學

魏改姓元氏初定氏族尚門第李彪曰魯之三卿孰

若四科以顏閔布衣之賢也

三崇閔氏氏族

梁武帝天監四年初立孔子廟 置五經博士立州

郡學



詔曰二漢登賢莫非經術服膺雅道名立行成魏晉  
浮蕩儒教淪歇風節同樹抑此之由其置五經博  
士招納後進其奉祠先聖先賢射策通明者即除  
為吏 閔子裔 閔忱應制 旌子塞孝 閔景  
奉初

隋煬帝大業四年十月庚午立後

詔曰旌表先君式存饗祀所以優禮賢能顯彰遺愛  
朕永鑒前脩尚想名德何嘗不興歎九原屬懷千



載矣自古以來賢人君子有能樹聲立德佐世匡  
時博利殊功有益於人者並宜營立祠宇以時致  
祭墳壟之處不得侵踐有司量為條式稱朕意焉  
奉勅臣牛弘據齊州刺史盧賁移牒查得聖門  
德行高弟閔子騫其墳壟一在齊州其春秋直令  
刺史致祭奉勅

大唐詔諸州郡立孔子廟 立閔子書院於汶陽

博贊



司馬遷列傳 文翁圖註贊 陸機贊

夏侯湛贊 蕭廣濟孝子傳

論列

公羊高 公孫丑 孔鮒 淮南王安 陸賈

顏芝 孔安國 鄭玄 劉向 應劭 孔臧

三蕭 陳羣 張華 杜預 徐廣 裴駟

顏延之 牛弘

閔子世譜



卷之三十一

損祖傳代 大宗節畧

二世法

三世履

四世劬

五世維

六世敬

七世維

八世邨

向 高 曰 和 王 齊 向 以 諸 生 仕 齊

南 魯 頃 公 十 九 年 楚 取 徐 州 敬 去 琅 邪 南 去 范

邨 邨 居 孔 聖 邨 子 業 沂 南 無 後 邨 子 濬 與 盧 生 等 坑 秦 子 垣 從 陳 涉 王 遊



九世平垣

十世論

十一世儀

十二世遵武帝時從河間獻王遊後為昭帝博士生

十三世襄泰

十四世子虞

十五世超

十六世成文憲光武帝太山太守陳俊舉憲於東平王蒼



十七世道立 道弘 道弘為明帝孝經師

十八世崇

十九世然 浩 曹操為兗州太守徵魯閔浩不至徒廣陵

二十世表占

二十一世蘊

二十二世鳧 鴻 息帝時鴻列楊方之徒與顧榮賀循紀瞻等號五雋仕為尚書

二十三世叔夏 叔夜 叔廣 叔本

二十四世瞻 希仲



二十五世 研 選

二十六世 淇 潢 與魏註作令史閔湛連派

二十七世 勛 亮 勛如魏都次亮連派隴西為南北

二十八世 衢 由 曲阜如滕奉祀授業館

二十九世 恂 忱 陳旌其孝

三十世 望之 建之

三十一世 萃 大業初如隋都

三十二世 鏡



三十三世德監 德餘

閔子族譜 兩姓諸族

一唐以前氏族多係於隴西一曰如之宗在隴西一曰高之族去隴西漢建武初閔業舊為耿況門下據與寇恂同勸况歸漢有功賜爵關內侯拜遼西太守食邑四千戶流裔為隴譜

一太原族或出於隴西又南之族居太原漢建武四年大司徒尚書侯霸徵閔仲叔後投劾去安邑遷



於沛以壽終葬於宿

一隴西族有在河內者漢靈帝末閔貢抱陳留王於  
北邙董卓取去王於抱中以河南中部掾擢太守  
二千石

一文宗在邠邠以曹操徵閔浩去廣陵後宗子衡返  
漢故書記晉尚書廣陵閔鴻上氏族譜

一曹懷公絕祀南去范維族去金城及秦坑儒之變  
改姓騫氏以美之字為別立氏族騫包其著



唐太宗訂閱氏家乘四庫藏本終

唐太宗聚四庫書

一知子庫內附閱子宗傳一卷係重訂閱鴻所上  
錄線知集庫馬懷素如經庫沈佺期知史庫武平  
法譜

